

光緒鎮海縣志

鎮海縣志卷八

水利

水之爲利最大然使蓄洩無法旱澇無備則利也而害寓焉鎮本海隅善經理之悉可爲良田稍失隄防則溪流暴注風潮怒衝害有不可勝言者歐陽公修唐史凡一堰一渠之濬築皆著於地理志今先敘海塘重鉅工也由塘而堰而碶闢其制之宜復舊者則備言其利其蹟之已湮沒者則存其名至於灘蕩日漲斥鹵變爲膏腴凡塘堰碶闢之新築者載其年月書其姓氏皆類敘之而著於篇焉

寶祐五年冬大使丞相吳潛以水利局命法曹掾趙良坦董其事是歲淤河淺港悉浚深之定海四都二十四港共八千五百零丈五都九村共一萬一千零丈靈巖鄉一都自有王嶺至石湫頂耳橋一千八百六十丈二都自石湫市至槎浦硤一千一十二丈自水徑頭至方家頭二千五十丈泰邱鄉一都自十字港橋至黃山頭六百五十丈埭埭堰河八十丈二都自黃公漕至清水橋一千四百一十丈三都自下河楊木橋堰至施店一千八百丈自上河楊木橋堰至寶雲廟三千丈

開慶志

定海有沈窖湖豪右侵築民失其利隆興初趙伯圭知明州開濬復舊蓄洩以時規模宏固至今賴之茅砧硤與慈

谿接畛定海居上游旱則足以灌溉水則以慈谿爲壑紛
爭久不定伯圭以帥事行縣親視其宜俾濬舊溝溝成兩
邑皆利而爭者息矣

樓鑰撰崇獻
靖王行狀

洪武二十四年濬定海鄞二縣東錢湖灌田數萬頃

明史
河渠

志

嘉靖三十五年定海知縣宋繼祖創建東岡堰溉田一萬

三千餘畝

浙江
通志

萬厯二十八年知縣朱一鶚浚濠及各鄉河

唐令
志彙

鄞東錢湖邑之江南鄉遵舊例已出湖面稅矣然止得堰
之上板自鄞五鄉堰至崇邱鄉逶迤屈曲相隔十餘里湖
水苦不能遠及康熙初邑侯王元士詳府得下板於是流

之所及者遠向之荒田皆成膏腴矣

見聞謹述

定海

今鎮海

延袤西與鄞慈接壤其東南北皆際巨海中經

以大狹小狹二江潮汐吐吞地皆溷涵雨暘少愆則鹹潤蒸曝苗卽就槁故河渠之治莫先焉其在縣治之西北有大閘河有西河有夾江河有中大河中大河發源於慈之丈亭江由夾出橋過茅洲化紙二閘以達定之西城其長亘五十里而近中又節之以貴勝大寺二堰以嚴蓄洩夾江河起鄞之桃花渡由白沙露林而抵於定長與中大河相埒卽宋淳熙間制帥顏頤仲訪故道而疏鑿之所謂顏公渠者也歲久淤塞嘉靖丙申縣令王文貢復疏之已而復淤迄今莫有繼顏公之志者焉縣西北百里許與慈谿

餘姚相比其地多山故水緒而爲湖者四曰鳳浦湖曰沈
窖湖曰靈緒湖曰白沙湖其受湖水而爲渠者二一曰西
河發源於慈之香山東流十餘里而洩於澥浦西則自斗
門去一十五里而合於中大河一曰大閘河兼受杜湖之
水由宣家堰而東注於西河其長可四十餘里蓋江北之
田東西管靈緒凡三鄉西河與大閘皆坐靈緒而又益之
以四湖溉田可千餘頃故其田獨膏腴其在東西管則顏
公渠旣以久湮而仰受於慈谿之江者獨一線又潮汐往
來有大小碶閘之啟閉故時有旱暵之災議者謂貴勝大
寺二堰之東其地高故其浚宜深其浚深則水自流注江
潮直達時乃開碶閘以導之自不患於驟涸而又疏通顏

公渠益廣支水則民利自信矣在縣治之西南由小狹江而上左右有河而皆接於鄞之東大河其左則自鄞之斗門而入由紀家橋石澁頭而至於東岡山之黃滿堰長可十五里其右則自鄞之新橋而入由湯家巉龍山下鍾家橋而直至竺山尾分爲二流其一從陳山之南過高河塘至小竹山而止其一從北流過石門又折而東由陳山之北越江南鋪前橋匯於樂家莊而止舊志所謂謝墅河也長可二十里有奇水潦頻仍則從北行者洩於大狹江從東行者洩於小狹江小狹自海口達於鄞之五鄉硯其長可百里其江之半則鄞之分界也江之左有槎堰亦名蛇堰外臨長江內偪石山崩決不常定人曰是地在鄞鄞人

宜築鄞人曰是利在定定人宜築其未諧也鄞人乃塞紀家橋以自利鬪訟無已定之耆老乃告縣令宋繼祖相厥攸宜去蛇堰二十里卽東岡山之下而堰焉堰以上江盡爲河而蛇堰可無用緒停益巨而灌溉滋溥矣或謂硤遠而道迂宣洩不利多病於潦乃又於甬東隅開江東大石二硤王駐洋開周家硤又卽楊木堰爲硤以便輸泄慮又未已而海道副使劉應箕知府雷金科又議卽東岡之堰左增置石硤門者七蓄洩兩便斯百世之利也其靈巖泰邱海晏三鄉之水皆自鄞之太白山發而爲阿育王山其南行爲三山爲穿山爲盤嶧爲慈畧爲黃崎以至於海其北行爲新畧爲靈峯爲布陣山爲孔墅山爲屏風山爲嘉

門山爲青嶼山以至於狹口山從南行者重岡疊嶂高而
且邃故其水之出亦濫駛不絕注而爲潭流而爲溪溪之
大者有七曰啟霞溪曰盤畧溪曰雁潭溪曰瑞巖溪曰慈
畧溪曰章家溪曰楊家溪溪之流衍而爲河者有三曰埤
埤河長三十里自盤畧溪發源東流接啟霞靈巖之水下
楊木堰趨小山硤入海曰蘆江河長二十五里自瑞巖發
源向東北流而洩於穿山硤口曰楊洛河自阿育王山下
發源向東流爲石湫又接盤溪水向西北章家橋兼受靈
巖水而洩於長山硤其長比埤埤加三之一自阿育王山
之北山淺水蓄而資於灌溉者蓋僅僅足也大狹之南凡
四鄉惟崇邱南接於鄞與受東錢湖水之利其靈巖泰邱

海晏重山所閼與鄞阻絕當時建議者欲鑿阿育王山嶺
引東錢湖水以灌之故以湖米均派於四鄉之田厥後鑿
山之議不果行而三鄉之田空輸湖米之賦至今未有建
議而蠲之者案同治三年邑人胡樞胡洪安等議於王家
顧德恆上其事於各大憲阻於鄞人不過行今光緒鄞縣
志言四鄉均派湖米之說亦屬子虛當日纂修者不加詳
審留此曲筆此則志之無足徵者不知嘉靖定海縣志成
於張司馬時徹今河渠總論一仍嘉靖志之舊張鄞人豈
故爲曲筆以左袒定海人崇邱之田雖受東湖之水然河
者此固不辨而自明者矣久不浚淤演少容況湯家巉爲鄞之絕界彼此治河者皆
止於是河至淺梗湖水亦不能達此當急爲之所也其城
中之河卽古濠河也水通慈谿茅洲閘合中大河經駱駝
橋抵西水門而入越數武卽折而南可數十武又折而東

經縣治之北循衛治之南而環帶於學宮之左其北則由後沙河至淵德觀西而上接梓山之陰城之東故有王家硤閘而輪洩於海自洪武丁卯展城跨濠而濠河反在城內其時僅穴西水門一線以通之永樂以後塞王家硤閘與西水門而開西南之新閘遂致城內外之水隔絕不通河淤爲塗而故迹日湮矣說者謂宜求故道復舊西水門以接慈谿西流之水潞則由東以洩則內外聯絡匪直一方風氣之攸鍾而負郭之田資之灌溉爲利無疆矣

嘉靖志河

渠總論

案隆萬間已復西水門見山川北河下

城外

後海塘 縣西北二里起巾子山麓止東管二都

嘉靖志

海

環縣之東南北山勢盤旋潮泥積淤善經理之皆可為田

稍失隄防風潮衝擊則平地高岸悉為水鄉淳熙十年令

唐叔翰與水軍統制王彥舉統領董珍申府聞於朝支降

錢米倣錢塘江例疊石甃塘岸六百二丈五尺

寶慶志

林栗海塘記 清熙十六年夏六月明州定海縣新築石塘成其高十有一層闊厚數尺敷平倍之袤六千五十尺有贏基廣九尺斂其上半之贏贏又十之五高下若一從橫布之如棋局仆巨木以輿其地培厚土以實其背植萬椿以殺其衝役夫匠軍民積工至三十餘萬而人不告勞閱春夏二時舍田趨役而農不告病伐石於山石頗而役者不傷運之於海波平而舟楫無恐以己酉春正月己未初基越六月甲寅凡十有七旬又五日而訖訖事告緡曉曉波神眩巧乘大潮汐挾西北風震怒號呼攻突無急蓋乙卯丙辰以夜繼日盡其力而止波澄雨霽環而觀之巨防屹然鱗隙不動於是萬眾感激茲役之興信有天助乃能底績以迄於成一方可以

永賴矣先是定海塘以一木從事歲有決溢之虞丁酉之秋江海爲一民慮官寺營壘師屯被害尤酷知縣事陳公亮祚用石板以護其外僅支數年水大至則與之俱去蔑有存者嚴在戊申風濤屢驚九月守臣岳甫始念愈切聖衷乃命部使者與守行視覈其費以聞詔賜緡錢六萬五千有奇聖訓叮嚀毋得苟簡今上嗣登大寶勵精帝載山川受職罔敢不虔及是告成不衍於素精誠之感自來矣臣以暮春承乏郡守職當紀實以紀無窮言之不足形於咏歌謹拜手稽首爲之辭曰定海之濱屹然巨防匡天攸設繫軍民是襄軍民曰嘻我盡其力惟公上是資惟文武是師官不我役眾奚所爲官吏竦聞惶怖疾走粒散太倉泉流內府不日兩宮於我奚取兩言煌煌沼澤鍾唐四海永賴豈惟一方守臣稽首頌聲載揚是誠贊乾坤之大而譽重離之光勒之貞珉萬世不忘

嘉定十五年接連增發五百二十丈蓋府薦有請朝廷續賜費也其工役縣尹施廷臣水軍統制陳文分董之塘有峻坡捍禦甚固本縣又準行下於石塘盡處再築土塘三

百六十丈以續之有永賴海晏二亭臨石塘之上經始之
難後來者不可忽

寶慶志

元末塘崩圯亭亦廢明洪武五年

邑丞許伯原卽舊亭故址重建永賴亭塘下舊有破浪椿
年遠朽腐風濤撼觸石塘塌裂十二年父老范仲宏等請
於府委令何公肅率鄞慈奉定四縣民夫修築運石伐材
修補復密用破浪椿以障於隄之外成化時海道副使楊
瑄又增築之正德七年海溢漂溺民居水利僉事胡觀增
高土塘五尺并加立破浪椿隆慶三年海嘯吞嚙塘石無
存巡撫谷中虛復加增葺

太僕寺卿楊美益有記見城池

嗣因沙塗遠漲

縣亘一二十里至

國朝康熙年間地猶耕牧隄防無患自雍正二年海嘯後

沙漸洗沒潮警不時歲費工需隨修隨壞乾隆三年四年
兩經冲塌邑令楊玉生虞有倉猝以改建請因格於委勘
仍議就損葺治汕刷未久旋致空虛於乾隆十二年七月
十四日颶風大作城塘並潰乃於頂衝改建夾層石塘五
百七十六丈五尺餘審緩急區別堵禦

乾隆志

王夢弼記 邑治北負溟渤濁浪無際東西屏山翼張
而後海石塘受潮之衝若盪胸然遇東北巨颶逼於潮
後以萬里奔騰之勢加漲不已金隄亦虞潰敗單石薄
土突能承固此前代陷漲頻仍有足徵也自隆萬沙漲
後幾二百年水不侵逼邑以獲甯雅正初陡經海嘯沙
塗洗沒水薄塘隄歲議紛紜徒事黏補而潮汐冲汕日
漸空虛致於乾隆丁卯秋怒颶鼓浪城塘悉潰水灌田
廬余身際險危中宵惴惴詳考今昔利病陳於大中丞
常公安檄分司曾曰理會勘博綜羣議有外築護隄之
說不知沙沈巨浸非可懸水施功有移塘避衝之說不
知舍舊更新莫禁狂瀾日逼至若議建複塘工鉅而勢
非堅固直塘費重而制亦失宜夫他處石塘疊砌

壁立取衝爲劇斯塘頂尖腳闊如勾股狀直高二丈築
出斜高三丈六尺八寸九分不等法用條石埋砌七道名
龍骨中鋪大石六路名慢板以橫貫縱慢土爲塘湖來
搶坦上下敵浪之勢較輕且緩形式殊非可議惟琢石
不細歲久稜而縫隨以闊且石係單層水由縫刷而
土隨以消加之龍骨慢板各無槽榫不相維繫洪濤激
浪沖進擊出石隨湊散又安得不決土隄而沒田園也
耶爰議改建夾層堵縫鑲樺塘製其法以七道龍骨
換厚石兩面上留一寸卽斜削六寸成槽舊石橫砌今
易一橫一豎得以前成如帶通塘勻排七帶鑲入六路
各鑿方槽石樺貫成如帶通塘勻排七帶鑲入六路
板之兩頭削如馬蹄嵌入龍骨槽內其石錐琢六面
平光俾得實榫緊縫下加襯板一層騎縫貼砌底夯塊
石兼釘頂樁凡石四合膠以稠灰塘外東以關石排棊
塘口扣住迴浪立石上下嵌成一塊片并東以關石排
不違舊製而法已加詳似可收因時補救之益舊塘一
千一百餘丈先就頂衝之五六七丈於迴浪石後嵌砌
建其在城下者三百三十六丈五尺於迴浪石後嵌砌
路石一道與護城石槽口相扣卽爲塘面至城角迤西
二百四十丈無城可依於迴浪石上加疊三尺收分至
頂鋪寬路石九尺後築土戲五尺較舊高厚有加差堪
抵禦險汛城東石塘起處七十三丈尙有沙積仍以單

水利

入

層重修其西舊塘不及五百丈內僅補葺塘面一百四十丈塘身二丈亦以沙未全沒權於緩急先後耳議上本道鄭公遠請於大中丞顧公琮白於朝發海塘經費帑金伐木於閩海煉灰於富春鑿山運石於鄞慈定縣募匠於甯紹兩郡自乾隆十三年二月十一日經始三歷秋汛藉有柴掃搶堵得至十五年善大月中丞方公觀承永公貴親巡訓示方伯唐公綬祖鄂公樂舜王公師葉公存仁後先綜核本道侯公嗣達不時按驗本府魏公峙杜公甲頃公瑜勘覆於初繼皆胡公邦祐駐工調度以迄底績也至若稽工選材則縣丞柴理益士傑巡檢毛玉樞雷振先耿昭孫翼新典史陳宗洛分車之力為多惟是施工有序規畫難周當此水逼塘身亟宜有備無患歲修之請得本道同公德嘉與議轉嗣此歲定工需緩急培土首從西段舊塘一律加高改建繼將塘後上級通慢石陂修復破浪椿製經營餘力及於各鄉隄防不特後海石塘更垂永固城社民生胥有永賴之慶矣胡邦祐記 甯波古明州因邑有定海海定則波甯故更今名鎮海即舊定海也屹峙於蛟門候濤之間與瀛海相際為全浙咽喉城始唐乾甯四年塘始宋淳熙十年昔人謂天設之險又謂稍失隄防平疇高岸皆成水

鄉其所係豈妙鮮哉歲丁卯秋颶風陡發濤湧決隄隄潰而城之傍隄者隨之吏民震恐邑令長商邱王君上其狀論厯懇至大憲曰禦災捍患爲民切莫於此迺遴員驗估又復遠臨以相度形勢蓋誠不欲爲一時權宜補苴之術而固以繼縣計以永久使海隅蒼生長安祗席勘估既定乃陳請唯天子惠愛有加令發帑尅期以戒事余時奉簡命來守是郡郡所屬事無大小皆守分內而鎮海以萬頃奔湧之縣建萬年鞏固之圉甫下車卽偕令君虔肅鼓役施益鋪雖以帶水之隔月必數視海濱風雨寒暑不敢避蓋取鑒於宋元明相繼修築不能垂世永奠之根原惟恐工人一時一事之疎貽後日生民之累余於茲實切冰淵之懼焉若乃規制師古變化生心先眾力而申之以式趨事者日以干計身與之習教誨而噢咻之尤賴令君憂深慮遠精勤達實任賢勞也凡修頂冲塘五百七十六丈有奇次冲塘三百九十六丈有奇新建塘五十一丈有奇修塘北面濱海塢城表裏凡八百一十丈有奇城以迴浪塘以護城其中繫石排椿築基深固倍於前者十之九乃於其銳者圓之昂者坦之單者複之低者崇之薄者狹者厚而廣之木石之需採諸他郡鑿山浮海選材惟謹鳩工惟良其間牝牡相啣唇齒相依經緯相錯鈎貫膠結使離合之介胥銘若所

謂銀城鐵甕者而後卽安先是己巳秋塘工甫半僉懼
長鯨逞故技實有戒心偕令君齋宿具牲醴祈波臣效
忠仰體懷柔至意安瀾無妨公事無何中元後旬颶風
猛烈若海立山奔百里內官廨民居爲之震撼及濤平
余亟視新塘屹然完固一似颶之狂暴不能與人之巧
力爭夫亦波臣顯示以前定之式當始之終之而莫之
或改也乃循是以迄於成經始乾隆之十三年春告成
於乾隆之十六年冬工閱四載爲費八萬餘緡宏規式
廓結體獨堅正不止摹方者折巧中矩摹圓者周巧中
規矣工竣令君請余紀其事余惟此一役也皆賴各大
憲之籌畫精詳頻臨策勵而令與丞率巡典共矢勞瘁
余於其間不過上承訃謨以下喻羣工篤綱繆永久之
圖於躬之震念切饑溺而幸以告厥成功者於余何有
哉令君曰百姓之志也曷可以辭爰記此俾鎮邑百姓
世世不忘
聖恩德而樂土康阜將所謂門戶安則堂奧亦安者
日相與應海定波甯矣
余於令君有厚望矣

塘白邑令王夢弼改築後越十餘年令馬文炳修之道光
十一年令郭瀆章又修之時捐資於城中及東西管二鄉

監生王懷茂倡捐二千金督率工人不避風雨郭令嘉其勤勞焉道光十七年七月颶風大作土石兩塘潰決數百丈漂溺田廬無數逮二十三年秋颶風巨浪沖坍益廣監生周正祥憂之集紳士數十人具呈邑令及府道藩撫請發帑改建以請帑之難而中止正祥因捐於殷富及以己資修之工不及十分之三以資斧不繼不得已而停工焉至二十八年春大憲題奏奉

旨准予帑銀正祥始得大興工役工未半而浮言起正祥卒工復停止已而大憲委道憲偕邑令畢承昭詣塘拆驗始知正祥所修別出心裁完固精詳可垂永久乃照限減丈段給帑改建而城鄉紳富亦各自分段興築曰海晏局

正祥領帑修東管鄉紳富捐併入焉曰慎泰局貢生鄭熙
生員王咸章捐資修曰永安局城中紳富捐資修曰西成
局西管鄉紳富捐資修是役也統計夾層舊石塘修補者
八百餘丈單層改夾層石塘二百三十丈近范家村一帶
改建夾層石塘一百六十三丈近萬壽菴一帶土塘改單
層石塘一百六十三丈前後議修建邑令爲葉堃賴晉及
畢承昭而督理塘工無間寒暑不辭勤勞者爲舉人陳懿
行謝錚賢貢生林浩生員周恆陳修和監生胡長洲金子
甯陳定敏傅謨劉朝斌

采訪冊

鉤金塘

案乾隆志圖標名小海塘

在巾子招寶兩山之間城北舊有漲

沙塘址久湮白沙塗坍沒外海潮浪卽可由此直注城家

數武之地實關險要乾隆五年邑令楊玉生以塊石附土
爲塘工程卑薄十二年七月潮乘颶湧土石衝沒邑令王
夢弼議倣魚鱗塘製用大條石一十六層內鋪底蓋頂二
層一律丁砌餘皆丁順間砌逐層陂陀收分至頂計長一
十六丈內鑲塊石後築土戣塘面通寬一丈一尺撫憲方
觀承巡視尙慮其險又捐幫土戣五尺并捐釘底椿捐砌
坦水以護塘根塘舊呼狗頸改今名鐫巖壁

乾隆志

外石江塘 起南薰門龍王堂西至武甯門養濟院邊明

成化間海道副使朱紳備倭都指揮張勇築

案是塘久圯嘉靖

十年增築至鎮遠門海口

嘉靖志

計長一百六十九丈其製

以橫埋龍骨石三道間豎慢板石二路斜慢土隄之外以

禦潮歲久頻壞

國朝乾隆五年邑令楊玉生葺理舊砌存一百六十四丈增釘關石排椿加培土餞又於石塘止處接築土塘以迄招寶山麓計長一百六十五丈十二年風潮大作沖塌土餞石皆傾散邑令王夢弼奉檄仍復舊砌另於塘口增用龍骨厚石兩面鑿槽外扣幔板內嵌丁順削水路石寬七尺重築全塘土餞各一百六十四丈迤東接築新石塘一十五丈挑補沖沒土塘一十六丈招寶山麓之臨浦土隄改築塊石塘一十九丈又南薰門石塘內逼濠河外禦江溜風潮鼓浪土餞終虞潑卸已於歲修案內議請漸易石餞如滾水壩式卽遇浮湍亦可無虞其成化間原築至

濟院之石塘得復舊製庶於環城捍衛乃稱備云

乾隆志

匯頭石塘 在南薰門外石江塘止處接而東以迄稅關

計長一十五丈乾隆十五年邑令王夢弼捐築

乾隆志

胡圻記 鎮邑東門舊有護城塘袤亘三里許其正南一大埠則潮汐所不到助護蟻附土民際居蓋世保無恙也近年地勢變遷江以南漸長以北漸圯每當潮汛往來直射至塘脚加以秋初東北風迅發洪波巨浪自蛟門虎踞衝激而入賴舊塘高固足保城池然其從塘脚數里抵擊而來者直洗南岸其外則長江之水驟湧數尺相薄而不得去因之碎船破屋老弱漂流幸保全者蓋什不能一二家而遭鹽水浸淫室宇器皿亦都漫漶不可收拾邑侯睢陽王公下車伊始目覩心傷凡有利益於民者相其大小緩急次第舉行若後海塘若城工亦計酌量周密修築完固使闔邑共慶安瀾嗣復於本年十月公乃加意蒞土揀石料庀工人做舊塘式加築南岸塘凡十五丈廣一丈五尺闊四十餘日而成皆自捐俸薪不取民間絲粟夫實心為民者一夫不獲引為己憂此雖偏隅然隸其宇者不下數百家而且稅房之所出入關口之所稽查四方官吏商賈之所賓館

而旅居殆無虛日以此盛事傳之無窮銘感者又獨在區區江許之生聚乎哉南關士民陳志典金星六等卽是說以勒諸石

乾碑

在縣西城外二里

嘉靖志

新閘

在清川門外

乾隆志

今已湮塞

陳志彙

平水閘

向辰門外此閘可豬周城濠水備近城田禾緩

急車灌近舟行貪便不設閘板其地高水輒先他處涸宜

復舊制

乾隆志

東管鄉

清水塘

二都計長三里

善慶塘

三都在鼻猛江上旁有善慶閘因名舊有外塘

明崇禎間里人金志榮築後陷入江七八月間東北風起

潮水湧入合鄉田廬被災乾隆十二年里民金廷柱夏斐
文等呈請邑令王夢炯築造白塘自梅墟渡頭起經馬嘴
匯李家堰至張家堰計長五里以禦潮患民攸賴焉

漢塘 三都

顏家塘 三都清水浦西南江北河一塘爲隔勢最易坍
塌宜時加繕葺

慈孝堰 二都

章拘匯堰 二都

徐家堰 二都

楊家堰 三都

陳家堰 三都

嚴婆堰

三都

橫河堰

三都此堰堅固雖大水衝擊亦易修

姚家堰

三都

管家堰

三都

大寺堰

三都上接慈邑潮源下爲東鄉之所取濟誠水

道之鎖鑰也但受弊有二秋冬河宜蓄水以爲春來養苗計乃堰夫嗜利私放船隻竟不下泥致水不蓄其弊一且下流之地宜深廣於上流方能受水而東鄉之河反淺狹於上流則潮源烏能逆行而周徧浚河之令頻下但以莊限以甲拘則河多丁少難告厥成其弊二受此二弊一遇旱乾而鄉田遂遭龜裂

清水浦堰 三都在江神廟前是堰外江內河中央一浦塘堰兩條形如缺月堪輿家謂金鈎釣月地也雍正二年海嘯隄防潰圯禾麥盡災嗣後或被潮衝或遭河溢屢歲大歉總由外塘單薄內堰低窪之患也

官路堰 三都

小浦泥堰 三都

李家堰 三都在梟猛江上堰南百步許有龍潭深不可測天將雨潭內作聲如鼓潭外有泥礁遇大船過或時羈

留相傳龍神顯靈旱禱輒雨

以上乾隆志

張鑑碑

嘉靖志

案寶慶志圖名西碑

東鄉之水藉碑宣洩額設碑夫二

名司其啟閉并立兩莊鄉長以協守之比年來或河流外

溢或江湖內衝鄉田往往告病總由硯夫爲奸下板不滿倉下泥不堅實且硯之東西兩土塘忽坍忽築本未鞏固又不時拔船致塘缺低於硯門遂貽鄉田之大患乾隆十七年邑令王夢弼詳請移建已奉批准亦惟鄉長勤察其弊而謹護焉

乾隆志

大有硯 三都舊名馮家硯乾隆間邑令周樽以舊硯低陷難於蓄洩改建是硯今硯旁有周公祠

采訪冊

倪家硯 三都卽大寺堰額設硯夫二名

車堰閘 二都

陳家閘 二都

善慶閘 三都閘久廢康熙三十一年邑令黃宮柱修復

之今改爲堰以上乾

隆志

謝北昌記邑之東管鄉巨有陳家堰不數武又有善慶開也蓋以此地衣江而裏河昂內而低外祇以一土隄障其外傾則洩盡無餘而河不能容水其禍也江潮衝入則田斥鹵而之灌漑其害也不僅八里受之夫以八里易盈易涸之渠非若邑之西河大開河之有潮水可灌也非若謝墅河新大之有藉於湖水山泉也故昔人以東管之河身淺薄水無源匯相其地之要害既築堰復築開俾彼此兩利而有永遠之圖載之邑乘鑿鑿可據良有深意存焉後則廢於明之崇禎乙亥不十年而又復矣

皇清鼎興堰開如故而再廢於康熙庚戌歲且其開易爲大有橋矣其堰則改爲管箕浦矣顧以堰內橋外之低田百餘畝利於河淺不利於河溢一遇大雨淋漓堤塌而河盡洩里報縣檄丁夫修葺僅以補隙塞漏爲故事故一歲每見三四傾而畝皆石田河亦龜拆此無他計目前而不計永遠也今歲壬申士民謀所爲永遠計者陳顥末於邑侯侯亦留心民瘼單車履歷相地勢而詢利病乃近境之家有曉曉爲不便言者謂田居卑下開既障水其如一方之畝漕何維時父老進言曰今之符箕浦卽古陳家堰舊基今之大有橋卽古善慶開遺

址古人兩障水而水利均今區區藉一浦毋怪乎其日
圯也乃斟酌於兩全之術莫若以九分水存內仍復善
慶間傲平水硯以司啟閉以一分水置外復陳家堰築
石塘以防壞塌則表者裏者昂者低者皆受其利於不
朽侯善其議於時某先捐貲十金伐石買材勸領其事
而士民咸捐金樂輸以共襄是舉至於鳩工謀度勞來
巡行督率輪勸百日而成為者則皆侯經營獨斷之功也
工成而開與堰屹然如故今而後益信昔人之計乎永
遠者惟此水利之均而民之睦有是哉侯蒞政三載興廢
舉墮斯則水利民命功垂永久矣邑之人慮其後之墮
也勒諸石於縣治之右是為記

西管鄉

孔浦塘

四都

嘉靖志

長五里

乾隆志

白沙塘

嘉靖志

五都長二里

乾隆志

虞家塘

嘉靖志

五都長一里

乾隆志

福性塘

六都

嘉靖志

長半里

乾隆志

嚴家堰 四都

另鴛堰 四都

上陳堰 四都

潘家後堰 四都

陶家堰 四都

斗聰堰 四都

陳默子堰 四都

曹家庫堰 五都

烏隘堰 五都

七畝堰 五都西鄰慈邑本莊鄉副協管修築

張家堰 五都西界慈河

莊家堰 五都

壓賽塔堰 五都

倪家堰 南鄰鄞縣五都一二三四畝四莊鄉長承修七分鄞縣沾利人戶承修三分

鍾家堰 五都西界慈河

虞家堰 五都

南堰 五都北屬慈谿向係慈邑寄莊大戶輪充鄉長者承修乾隆十五年慈人王良士同寄莊各戶捐田四畝零歸本莊充鄉長者承值爲修堰費不復再派寄莊各戶詳憲立案

貴勝堰 五都清泉鄉今改名新興閘與慈谿界西接潮

源東通大河

塌水港堰

五都

以上乾隆志

孔浦硨

四都硨高而內地反卑歲久淤塞水梗難洩民

甚苦之

嘉靖志

今西管水漲此硨爲出水之咽喉

乾隆志

莊家硨

四都

蔣家硨

四都

虞家硨

五都硨爲眾流所泄兩旁有蝦鬚塘硨有硨租

每年征收存庫爲修葺費蝦鬚塘係一二三四畝四莊公

修

德門閘

六都

新興閘

六都萬弓塘東額設閘夫一名

以上乾隆志

鎮海縣志

卷八

水利

七

靈緒鄉

新土塘

一都 乾隆志

夾塘

一都長一百四十丈闊二丈有南北兩夾河以殺

流潦

乾隆志

靈緒塘

二都長二千丈高八尺闊一丈五尺卽宋嘉定

間邑令施廷臣在後海石塘盡處接築之土塘

嘉靖志

國朝康熙十五年總鎮牟大寅以塘廢河淤集民夫濬塘河以土築塘直至澥浦計長三十五里內若干丈係慈邑長三都錯壤一律縣亘今名萬弓土塘此塘外沙遼遠非如迤東石塘頂衝可比近因坍削日甚恆遭沖塌乾隆五年邑令楊玉生於石塘相接處補築一百二十五丈而潮

患不時民力艱於遞年堵築十六年令王夢弼於歲修案

內議請次第修建得成永固

乾隆志

和尚塘

二都

乾隆志

莎畹塘

二都澥浦石洞門外一里長二百十五丈里人

陳大和金國寶募資建費銀二千餘兩

采訪冊

鳳浦湖塘

三都周圍十八里

乾隆志

同治十三年縣令高

桐偕里人楊鴻元捐資重修

采訪冊

龍山塘

三都明洪武間節婦黃誼昭妻孫氏赴京奏准

創築計長七百八十丈

雍正府志

此塘地當衝險歲需修補近

因外塗坍削潮流緊迫西至伏龍山一帶已多殘缺東至

石壇山一帶塘基盡沒竈民力難修復鹽課司沈昂議估

上請檄下邑令王夢弼勘分夷險東段宜加木石餘仍全築土隄內修金墩鎮龍二閘以禦鹹蓄淡乾隆十七年五月奉文發帑行場督建

乾隆志

利濟塘 四都伏龍山西因避潮塘外海塗日漲堪以耕鑿雍正十三年協理青龍場鹽司趙湘督勸築塘自慈邑鳴鶴場接至淡水泓止長十餘里繼得龍頭場司沈昂復董加築至龍山竣工因塘身單薄連被風潮傾圯場司沈昂申上經邑令王夢弼隨憲副同公德按驗應築土塘一千八百四十四丈七尺并建淡水泓下閘均援以工代賑修例乾隆十七年五月奉文發帑檄場督建

乾隆志

沈窖湖塘

四都嘉靖丙辰縣令宋繼祖築

嘉靖志

周圍二

十八里乾隆志

宋繼祖記略定海靈緒四都有湖名曰沈審創自先
代周闢一十八里眾流壑焉灌田千餘頃蓋一方之民
倚爲命者也但形勢鼓側水多注於下半旱則田之近
於上半者往往患之問有民居旁高者利其涸而侵
取湖魚居下流者幸其瀉而私竊水道弊也久矣鮮有
察其故而興革之者予蒞茲土二載未嘗不念切民依
特往觀之憂誠難釋乃盡集一方之民相與計處蓋求
其所以利與害者而圖爲久長之計竊思湖水不平中
無橫塘故也有則水蓄於上而流餘於下胥不病矣因
卽商度工程東自蒙古石起一直而西至朱家嶺爲止
築塘一帶高一丈四尺脚闊三丈面闊二丈長八百餘
丈裏外相沿植柳數千餘株間之蘆葦以破風浪又於
塘之折半處建閘一所通以時蓄洩塘外兩旁與下塘相
界處又置小閘二所以通水道計處周詳頗無遺策斯
民之處事赴功者躍如也月餘復往觀之工皆就緒諒
無疇昔之患又慮夫守之無人也僉巨族塘長一名以
司其事民復相謂曰塘之所係甚大四望民居甚遠一
長恐不足以周之畔有故菴一所名曰眞如爰擴新焉
主以僧眾增撥湖田五十餘畝以供朝夕命世守其塘
則可保無虞予意其言之近情也特從其請名之曰守
水利

塘菴

云

靈緒湖塘

五都週圍二十里

嘉靖志

國朝咸豐二年里人范多福任上興任觀瀾王義方重修改築者四百丈有奇用錢一千八百貫經年而工始成采訪冊

周家斗堰

一都古有通潮石溝在底

雍正府志

沙河頭堰

一都內通文亭江外接大海為水利要區

乾隆志

道光初監生陳繼彪等具呈上憲照海沙路開式於塘

堰要害處創建一閘以資輸漑計尤盡善焉

采訪冊

姚郎堰

一都

閉門堰

一都石河山峽

沙堰 一都與慈邑界

龔李堰 二都在慈邑一都同被水利

大泥堰 二都覺度寺東明崇禎年建鄉田數千畝賴此

灌溉又隔十丈許有小泥堰並建在東

洪家堰 三都

梅林堰 三都

下塘堰 三都

南門亭堰 三都以上乾隆志

嚴家堰 四都嘉靖壬戌縣令何愈重修嘉靖志

國朝康熙五十八年移築河道狹處乾隆志

宣家堰 四都乾隆志土人以壩移至嚴家堰里人黃溶等

以嚴家堰地偏僻舟楫往來未便同治五年具呈邑令顧知府邊仍移壩於宣家堰著爲定式

采訪冊

奉公堰 四都

洞橋堰 四都

嚴家堰 四都

鸞鸞堰 五都

東虛步堰 五都

黃泥堰 五都

澥浦堰 二都額設硤夫一名

永豐硤 三都額設硤夫一名

金墩硤 三都龍山城外

朱家石碣 四都

松浦碣 五都額設碣夫一名以上乾隆志

黃沙閘 一都嘉靖壬戌知縣何愈重修嘉靖志額設碣夫

一名乾隆志前緒鄉之七莊河地高河淺雨澤少屯河流輒

涸專賴慈邑丈亭江水以資灌溉然江湖之來演迤盤屈

二十里而後至閘下則黃沙閘誠通潮之咽喉而閘外之

慈河少有淤塞江湖遂遏而不行是不可不急濬者也道

光四年監生陳繼彪等呈請縣令郭清章疏濬閘內河及

閘外慈河千數百丈江水遂順流至閘下采訪冊

郭清章論濬黃沙閘河榜示節略 據前緒鄉紳士陳繼彪劉經張希和等呈請前緒鄉七莊河道向賴慈轄丈亭江湖接流入化紙閘一直至黃沙閘遞及生鄉各河七鄉田疇常賴以灌溉近因慈轄芳江橋內至黃沙

開被慈民於河岸種植蘆葦兼之該處河高潮不能接
是以處等呈請挑浚開河并移香慈谿縣主諭慈民剷
除蘆根無許再種所有黃沙開起至芳江橋止三里河
工應清一千三百餘丈之數必須一律深通俾水源得
以暢達凡田五畝以上者每畝出錢若干為
築圳車房挑浚用毋得因循觀望以致誤事

海沙路開 一都明時建南埭屬二箇北埭屬一箇額設

開夫一名

乾隆志

化紙開 一都額設開夫一名

乾隆志

卽舊化紙橋開

宋訪冊

茅砧開 一都額設開夫一名

乾隆志

宋開慶間郡守吳公

潛勅建茅砧硯開今呼爲茅洲開

宋訪冊

案化紙茅砧二開慈鎮二縣交界二縣志並收今

仍之

福田開 一都本名漏管開乾隆十五年四月旱苗盡稿

例貢生周子才買田建漏管閘引接後江潮水以資灌溉
苗復蘇又置田爲閘夫傭食以司啟閉共費銀六百兩塘
下數千畝田禾皆賴其利道光二十八年子才孫光熊復
修築焉

宋訪冊

關潮閘 二都慈鎮交界外捍江潮內入達蓬靈緒田數
萬畝藉以資溉第地屬高阜遇潮小汛不能上達田常乾
旱胥以爲病乾隆六年里民鄭國楨等置閘關潮置田一
十二畝有奇每歲收租爲關潮費擇里之長而賢者司出
納焉例定穀雨後至中伏倩夫到閘潮來則放板以納其
入潮退則下板以止其出若秋無雨啟閉如之由是歲雖
旱不爲患公鐫石碑立於李衡橋涼亭

乾隆志

嘉慶間閘因

潮端衝急患罅漏里人陳繼彪修築之閘內慈東下河迤
袤至邑西河兩岸多塗蕩蘆荻叢生以致潮汐遲至繼彪
買棹雇工芟除滋蔓疥癢既去江流卽汨汨而來農民便

之采訪

寶光錄記 余尹京兆吏書戴禹汲述其祖質明善行
再拜請曰汲祖樂善好義悉數難終要其昭昭在人耳
目者尤在修閘利農二舉甯處浙之東偏三面濱海大
都力農艱於灌溉而慈東鎮北厥田數萬頃則全藉丈
亭江水顧其水自入夾田橋潮流漸細水道甚紆來徐
去疾耕者病之而是方舊有閘曰化紙歲遠年湮頽然
廢弛汲祖因與遠近仁人長者捐募重修并深鑒其弊
置田一十餘畝以爲補苴啟閉之資由是農忻於野得
無旱乾之患太守黃公曾給永汲休風一匾懸諸宗祠
後不戒於火竟成灰燼誠得大人吐哩之餘以垂不朽
卽泉下老人亦當啣結余聞之心動轉憶視學浙中時
按臨明州披閱郡志知三江口水城淡常半因以甯波
水利發策決科慈學周生條對呈爲詳悉至敘列本縣
水道亦及戴君質明修閘蓄潮事則知今之禹汲所述

初無益詞懿歟休哉其真馬少游所云鄉里稱善人者
乎太守之匾雖毀乃祖之功不泯且宜勒諸通衢以勸
來者焉記有之其先無美而稱之不智也有美而不
傳不仁也禹汲其獲免於戾矣爰濡筆而爲之記
劉啟英瞻田記 鎮轄之靈緒東西管與慈屬之香山
諸鄉河道狹小蓄水無幾數萬田禾向藉化紙閘入潮
灌漑遇旱流縮營舉關潮以裕源接濟焉然必於河乾
而後舉未能慮患預防者蓋因事無專主用無專資故
當亢旱之際田田車漑近閘者不免露宿候潮其地多
高阜河道紆遠水源不到之處往往耕插失時禾焦莫
救蹙額袖手徒望雲浩歎而已今戴子質明憂閘時艱
思維利濟更圖經久之計議募金置公田收租贍用期
於河未乾涸卽先關潮高下沾足乃設簿陳情於管界
司董公而公蒞鎮有年素以恩惠稱職知斯舉之大益
民生遂先捐俸爲萬民倡復遴覓度寺僧啟崙萬善菴
僧可證協往富戶募助而好善者或以田或以銀踴躍
樂輸則自今以往瞻閘有田雇夫有用其關潮可先時
而舉矣昔日之露宿候潮者得以舉家高枕蹙額望雲
者得以樂事南畝古之愁鄉一旦而成樂國董公之澤
永垂奕世也甯有已哉余樂其事之有成又恐久而泯
滅後之人孰從而識之曰某也倡成某也助田某也捐
銀使前人之良法美意傳之於千百世也因爲之序刻

金石錄
卷之六
於石以垂
不朽云

案置田關潮乾隆志書鄭國楨等而寶學使碑記
及贍田碑記又專書戴質明想水利鉅工非一人
之力所能辦國楨質明常同襄斯舉者而乾隆志
與碑記皆各書其一兩存之以俟參考

蘆黃硯閘

二都

嘉靖志

和尚塘閘

二都

嘉靖志

解浦閘

二都

嘉靖志

康熙年漲滿其閘夫工食銀邑令唐

鴻舉移給大泥堰

乾隆志

白沙湖閘

二都

乾隆志

縣北六十里周二里五十步灌田

一千餘畝

浙江通志

梅林閘 三都嘉靖志

徐家浦閘 三都嘉靖志

鳳浦閘 三都嘉靖志

鳳浦湖大閘 三都嘉靖志 額設閘夫一名乾隆志

鳳浦湖東閘 三都嘉靖志 額設閘夫一名乾隆志

鳳浦湖西閘 三都嘉靖志 額設閘夫一名乾隆志

節流閘 三都采訪冊

鄭儒珍記 鳳浦湖之東為百丈河河口有橋曰聚義
向有閘久廢近復立之名曰節流節流者節蓄鳳浦湖
東閘之水不使盡由梅林閘而入海也百丈河下之田
恆苦低浸如遇積潦梅林閘一啟則東閘下之水皆涸
而他田胥受困勢必又引湖水水利既減又害他田故
於東閘外復立此閘以停上流使下流得時其宣洩而
高下之田皆宜誠善舉也董其事者
為王秉鈞洪浦江邱紹槐例得備書

金墩浦閘 三都嘉靖志

鎮龍閘 三都乾隆志

丁家浦閘 四都嘉靖志

沈窖湖中閘 四都嘉靖志 額設閘夫一名 乾隆志

沈窖湖東閘 四都額設閘夫一名 乾隆志

沈窖湖西閘 四都額設閘夫一名 乾隆志

鍾靈橋閘 四都同治六年里人黃錫黃定海新建 采訪冊

淡水泓閘 四都額設閘夫一名 乾隆志 設上中下三閘以

禦鹹潮潦則開閘由泓以歸海向在老塘下沙蕩地濱海

涵汐易至咸豐四年里人黃錫移至下新塘 采訪冊

黃草路閘 四都康熙五十二年里民黃爾立建

杜門湫閘 四都

湖門湫閘 四都

靈緒東湫閘 四都屬三箇啟閉

靈緒西湫閘 五都屬二箇啟閉額設閘夫一名

以上乾隆志

羊坡溝閘 一五都屬一箇啟閉上靈緒湖東西湫羊坡三

閘舊係各姓分修今分箇管理以杜推諉

乾隆志

溝旁有拔

船泓爲湖水之漏卮任觀瀾范多福建議砌以巨石復釘

以大木舟行遂不爲患

采訪冊

松浦閘 五都與慈谿界閘下爲浦十餘里外皆海

新堰閘 五都東埭鎮邑承管西埭慈邑承管額設閘夫

一名

嚴家堰閘

五都慈鎮交界額設閘夫一名

以上乾隆志

崇邱鄉

竹嶼塘

一都今名泥灣海塘計長二十丈外禦海塘內

障大河水利要地

黃家塘

一都長一百二十丈

渡頭塘

二都今名新江塘計長八十丈是都東北有王

家洋堰西北有石橋堰皆以阻鹹蓄淡潦則暫放以洩水

兩堰中舊有海塘一里餘康熙年間傾圯進內數丈另築

一塘名新江塘雍正二年海嘯新塘復壞乾隆十二十四

兩年塘基爲怒浪吞嚙盡作海塗每至秋風鼓盪鹹潮直

泛內地田禾廬舍皆在浸中大爲民病土塘歲築無功

改建石塘亦孔亟矣

大決塘 二都計長二里是塘禦鹹蓄淡利害攸關時遇

風潮尤為險要定例各莊甲夫承管培築但土塘易潰應

合各鄉之食水利者改築石塘利垂永久

以上乾隆志

鎮江塘 一都乾隆十六年建道光二十四年重修

陳之騷記 鎮江縣治西南六七里有鎮江石塘三東

曰黃家塘西曰渡頭塘又西曰大決塘統謂之鎮江塘

建自乾隆十六年修志之後故志乘無可考亦無碑碣

案蹟可徵其地有崇邱鄉之一二兩莊實為八莊禦鹹

蓄淡之保障沿江之莊四依山之莊三惟崇二一止一

隅崇一二亦僅得半焉塘之始建也相傳黃家塘為崇

一一莊所築久頃圯道為崇一二莊所築大決塘為崇二

二莊所築久頃圯道為崇一二莊所築大決塘為崇二

入莊膏腴盡為斥鹵於是俞生泉遂同各紳耆請修於

縣令李李勇於任事勉日興功而依山之三莊執相傳

之說而訟焉既又得大決塘舊蹟於郡吏遂疊控大府

大府屢檄縣履勘歷五年不能決最後鄧令舒奉檄

會縣令黃慶勸諭令沿江四莊築十之六依山三莊築
十之四眾始悅服時未及崇二一之隅也事甫定而英
夷入比其退也猶未復颶風大作塘復大壞田禾無
收行路嗟歎時予同歲生張君錫路率諱旋里以大兵
大災之後未敢舉也踰年歲大稔乃於乙巳之春邀集
前之互訟者而勸之依舒黃二令所定之數爲之分段
立號牌各莊各自興修惟崇二一之一隅附於崇一二
之半莊又於石橋取築石楔以資蓄洩眾皆樂從白於
縣令賴捐資勸力購材鳩工經始於是年四月落成於
次年五月工既成余適鄧象縣令畢具文繪圖詳請立
案且乞余爲之記余惟湖中瀕海各邑多捍海之塘大
者請帑小者捐資莫不各有歲修經費故能歷久而不
壞斯塘之建不及百年而頽廢莫可考證豈非創始者
不爲經久之計哉今既允畢令之請凡某莊所築者卽
令某莊永爲承修立爲定案余用是記其顛末并各莊
分段之圖勒諸貞珉以列禁約於其後俾入莊之人守
此成規永年勿替庶幾利賴無窮也已李令名超咸山
東單縣人舒令名恭壽江西靖安人黃令名維同湖南
善化人賴令名晉四川溫江人畢令名承昭
山東文登人在事諸紳耆例得書名於後
禁約 塘外灘壟毋許掘泓修船并埋藏桅柁等物致
傷塘脚 塘面塘邊毋許薙草燒灰以致土塘低薄其

近田土塘種戶不得劈削渡頭塘盤運租穀貨物毋
 許索取過塘費惟給獅夫力錢渡頭塘毋許拔船進
 出致壞塘身石橋堰渡頭塘兩處不許射利之徒開
 壩及車船沿河之田毋許阻出費各田水路出入
 各莊董事 崇一 莊張錫路等六人 崇一二 莊郭
 孔嘉等五人 崇二 莊俞泉等六人 崇二三 莊夏
 廷熙等六人 崇二 莊徐俊龍等五人 崇四
 一莊丁元吉等六人 崇四 莊邵維琅等五人

各莊分段編號

黃家塘東

天字號

東一寸起
 西十三丈零七寸止

崇一

地字號

東十三丈零八寸起
 西二十六丈一尺四寸止

崇二

元字號

東二十六丈一尺五寸起
 西三十九丈一尺一寸止

崇三

黃字號

東三十九丈二尺二寸起
 西五十二丈八寸止

崇四

字字號

東五十二丈九寸起
 西六十五丈三寸止

崇五

宙宇號 東六十五丈三尺六寸起
西七十一丈五尺止

崇一二

黃家塘西

黃家塘東添築亂石塘十四丈亂石塘東至夏家堰止
土塘二百十九丈莊家堰另築亂石塘十二丈以坐落
崇一一莊皆坐莊自築

崇一一崇一二崇二二三爲沿江四莊崇一二合
崇二一共止半莊實爲三莊半認修黃家塘七十一丈
五尺渡頭塘東頭二十丈共九十二丈五尺作七股分
拈每股十三丈零七寸全莊得二股半莊得一股永遠
承修宇洪二號合成一股

渡頭塘東

洪字號

東一寸起
西六丈九尺三寸止

崇一二

荒字號

東六丈九尺四寸起
西二十丈止

崇一一

日字號

東二十丈零一寸起
西三十一丈八尺三寸半止

崇四一下甲

月字號

東三十一丈八尺三寸半起
西四十三丈六尺七寸止

崇四一上甲

盈字號

東四十三丈六尺八寸起
西五十五丈五尺零半寸止

崇二四下甲

景字號

東五十五丈五尺零半寸起
西六十七丈三尺四寸止

崇二四上甲

辰字號

東六十七丈三尺五寸起
西七十九丈一尺七寸半止

崇四二下甲

宿字號

東七十九丈一尺七寸半起
西九十一丈止

崇四二上甲

渡頭塘西

黃家塘西渡頭塘東土塘三十丈崇一二莊認築

崇二四崇四一崇四二爲依山三莊認修渡頭塘七十

一丈作三股分拈每股得二十三丈六尺七寸莊內又分上下甲每甲得十一丈八尺三寸半永遠承修

大湊塘東

列字號

東一丈三寸起
西八丈三寸三寸半止

崇四二下甲

張字號

東八丈三寸三寸半起
西十六丈六尺七寸止

崇四二上甲

寒字號

東十六丈六尺八寸起
西二十五丈零半寸止

崇四一下甲

來字號

東三十三丈三寸四寸止
西三十五丈零半寸起

崇四一上甲

晷字號

東三十三丈三寸五寸起
西四十一丈六尺七寸半止

崇二四下甲

往字號

東四十一丈六尺七寸半起
西五十一丈止

崇二四上甲

秋字號

東五十一丈零一寸起
西七十一丈四尺三寸止

崇二三

收字號

東七十一丈四尺四寸起
西九十二丈八尺六寸止

崇二二

冬字號

東九十二丈八尺七寸起
西一百十四丈二尺九寸止

崇一一

藏字號

東一百十四丈三尺起
西一百三十五丈七尺二寸止

崇一一

閏字號

東一百三十五丈七尺三寸起
西一百五十七丈一尺五寸止

崇一二

餘字號

東一百五十七丈一尺六寸起
西一百七十八丈五尺八寸止

崇一二

成字號

東一百七十八丈五尺九寸起
西二百丈止

崇一三

亂石塘

歲字號

東四丈六尺止
西四丈六尺止

崇二三

律字號

東四丈六尺一寸起
西九丈二尺止

崇二三

呂字號

東九丈二尺一寸起
西十三丈八尺止

崇一一

調字號

東十三丈八尺一寸起
西十六丈止

崇一二

大浹塘西

依山三莊認修大浹塘

卽倒東頭五十丈作三股分拈

每股得十六丈六尺七寸莊內又分上下甲每甲得八

丈三尺三寸半永遠承修

沿江三莊半認修大浹塘一百五十丈作七股分拈每股二十一丈四尺三寸全莊得二股半莊得一股永遠承修

大浹塘西頭十六丈舊無石塘而在沿江四莊認案之內今分三莊半添築亂石塘全莊得四丈六尺半莊得二丈三尺永遠承修

亂石塘西至石橋止土塘一百五十丈石橋菴

今名聚雲菴

西建石碶一座以坐落崇二二莊皆坐莊自築永遠承

修

光緒四年里人張汝芬等重修經費各莊分派共用錢六

百餘貫

以上采訪冊

蚶畧塘

三都計長二里

乾隆志

萬松塘

四都去淨巖寺三百餘步長六十一丈七尺高

一丈四尺闊八尺明萬厯三年築

乾隆志

張門堰

一都

嘉靖志

今名王家洋堰長十丈一都一畝居

東畔一都二畝居中畔二都二畝居西畔例定三畝公築

乾隆志

莊家堰

一都

夏家堰

一都

吳家堰 二都

湖水深堰

二都

以上嘉靖志

汪家堰

二都

嘉靖志

今名汪家斗堰計長二十餘丈

乾隆志

石橋堰

二都

楊家堰

二都

黃滿堰

二都

以上嘉靖志

大楓林堰

二都

嘉靖志

自建燕山硤江通爲河堰今改爲

得勝橋

備志

小楓林堰

二都長十餘丈

乾隆志

趙家堰

二都

乾隆志

東岡堰

四都

嘉靖志

槎堰 四都一作蛇廢嘉靖志今名下車堰乾隆志

聖前堰 四都

丁港堰 四都

丁港浦硿 舊在二都之南名板橋硿明移至青塹改今

名額設硿夫一名

板橋浦硿 三都以上乾隆志

東岡老硿 四都明嘉靖三十五年知縣宋繼祖建溉田

一萬三千餘畝浙江通志

張時徹記甯波治邑鄞與定海錯壤鄞東三十五里有東錢湖焉橫縮八十餘里合七十二溪之流而蓄之溉田八萬餘頃鄞東七鄉暨定之崇邱資之播藝胥受課焉然崇邱之引湖也必由斗門下水河以達河之腹有蛇堰者細而逼江易決難築其決也水盡注於江勢古建瓴故河渠與湖未旱而先涸三農病焉定民曰是水利

也。鄧民乃壅上流，定鄧民曰：「是利在定。」定民宜役，其勿諾也。以訟曾無已時，於是縉紳父老虞患日棘，深求便宜之策而議之曰：「若北去二十里，所而堰則堰以上江盡爲河，澹停益巨蛇堰，可無用卽關訟亦消止也。」爰以請於監守諸司諸司不察，以爲難，罔有興事，其所謂江卽名小澹江也。自大關以南海支別而北，上通五鄉，碕長可五十里，比年倭寇充斥，厲於關禁，以斷鄉導交通之路而小澹江則故無闕也。不逞之徒乃姦闕出入其間，晝夜絡繹莫可防制，此其爲患又不止於河決赤地而已也。維是甲寅之歲，成都宋侯來令，定海精察強幹志在振厲頽靡，以宣休澤。孳孳問民所疾苦而興罷之，乃父老欣欣慕向，以其故告侯。侯然曰：「有是哉！」令以爲民苟有利也，其何敢不力？乃從一二徒隸披草萊，率士庶而景相之，遂盡闢其顛末，與往昔徒堰之議蓋符也。爰度東岡山之下水，江稍淺，橫亘僅二十餘丈，曰：「是可以堰。」西去二十餘丈，卽土田疏之以殺水勢，曰：「是可以堰。」以蓄水，堰以洩水，度費金五百有奇，遂以父老之請請於當道，申之曰：「可與樂成而難於慮思，凡民之恆情也。」築空道謀迄用，靡成消言之亂聽也。是舉也，利於農不利於商，將肆譟張以撓成功者，踵至矣。惟當道裁察之已而次第報可，下令惟肅庶民子來，率作興事，卒靡有

梗議者工肇於乙卯四月迄成於是年十月鄉民以畝
率費而盡歸所給之官銀自從堰以上爲河其下爲江
鹵水不得內湧河渠不得外洩溉田無慮數萬昔日瘠
鹵之地盡變而爲沃壤畝可入數鍾蓋不惟崇邱之民
永無旱患而鄆之七鄉亦胥被汪濊矣又外寇內奸憑
舟楫出入者不得詭蹤迹以越訖如鸛臨之防阜民禦
寇一舉兼得鄉之士庶以侯德世世當不磨乃廟而碑
之相率乞余論著其事余曰甚哉吏治之衰也卑瑣羅
齷者固無足論其所稱高等亦不過奔走逢迎急簿書
期會僥倖一切以免上官之督過云耳又況海寇陸梁
兵革繁興料丁轉餉曾靡虛時又孰能圖議於几席之
外與斯民亨百世之利乎侯乃力求表樹詢民之瘼不
謀而僉同不費而事實此豈規規旦夕與儕輩競於尺
寸者哉是可碑也已嘗考之邵乘昔王元暉襄行修作
它山堰李彝庚陸南金浚東錢湖陳祕閣治迴沙闢皆
洞悉機宜惠澤無疆民到於今思之侯之績豈異是哉
或以江東硯水不得速洩始不免於今思之侯之績豈
有江東硯水不得速洩始不免於今思之侯之績豈異
之利也侯名繼祖成都漢川人癸丑進士用其事者縣
丞徐廷祥江西東鄉縣人亦稱才能云其辭曰每每原
田亢熯爲厲介於二邑湖渠是利厥維蛇堰難築易潰
空掃不休鬪訟興戾父老曰嗟我兆民咨我庶士以景

以望翦茲榛蕪爰立之堰爰作之硤蓄洩是宜膏澤不
匱有屹其防奸宄攸制匪直我萌狎於耕莠伊誰之賜
父母孔邇何以頌之振振
麟趾何以永之昭哉萬禩
袁州佐記嘗譬之鄧東錢湖猶人有胸胃而東岡硤
則其尾閘之關也故湖水主蓄必使有餘而後可濟不
足東岡常以隄其不足而洩其有餘湖硤上下猶呼吸
相應而費無水旱之病始事者明德其遠矣惟硤鄧而
址定兩邑細民昧楚弓之誼於其緩也委諸水濱而彼
此相錮及其急也則執干戈而攘奪之或啟或閉或塞
或決而硤始大憂無他人人心不公而長吏不能預弭其
隙也今各作方輿句水如膏而硤不以時閉雖放湖水
如注無當之厄朝盈而夕涸矣司硤者詎能辭厥責耶
是在長吏善視水利而持兩邑之平時加督率修葺毋
視鄧定焉胡越焉斯農之肥也余既捐資修硤復兼修
菴將加近矣偶讀宋公碑記具載東岡硤始末甚詳因
書其陰俾後之君子得以鑒諸

硤自建築以來溉田之利益溥然硤道迴遠硤門又殺於
五鄉硤者半五鄉東西二硤共十洞東岡一硤止五洞暴

水不能速洩五鄉之田往往成巨浸大爲鄧病萬厯間買鎮之田去東岡硯西百步復築硯以便洩水硯門八洞遂名新硯修築一歸於鄧三十一年鄧令魏成忠增硯爲十三洞石柱石砌堅厚縣固鄧鎮二邑均賴之

萬厯三十三年甯波府帖文節略東岡硯在鄧之東定之西橫截江流內蓄淡水外阻鹹潮鄧定半邑田地全賴蓄洩灌漑爲利甚溥自舊硯損壞定民始築高堰以障之定當下流可獲灌注之利鄧五鄉地勢稍窪者尾間不泄時有勞虞遂至紛爭不已今惟修復二硯爲長策在定民有全利而無害鄧民地高者十九窪者十一亦利多而害少況鄧硯其東定硯其西二硯並修酌定水則時啟閉之卽地稍窪者亦可無窪潦也除西硯聽定海議辦外其東硯鄧邑估計工料修築

經五十餘年硯底漸漏空爲窟穴河水常洩江湖內衝東鄉屢歲大歉

國朝康熙二年鄞民陳國傑等聞於海道馮瑾知府崔惟

雅鄞令張幼學重築新硯費九百餘金皆出於鄞東鄉沾

利之家

雍正府志

老硯爲八閘關鍵近例於沾利八閘中每閘

各設鄉長一鄉副一擇老成善事者爲之歲週一更俾其

不時巡視或遇硯有損毀與衛硯之塘有滲漏鄉長鄉副

卽督令硯夫及各區夫民限期繕葺額設硯夫五名若新

硯地屬鎮硯屬鄞硯務皆鄞承管硯之北有衛硯五十餘

丈亦崇邱民之所承管者培築與老硯塘一例焉

乾隆志

燕山硯 三都其地南屏山北負江耕鑿維艱里人徐起

南起達攻山鑿巖爲基仿東岡硯式建硯一十三門每門

夾設硯板以俾宣洩旁立小堰北築浹水塘十餘丈以固

碑身費派於沾利之家有捐出者起南廢已產以幹成之

自東岡碑至此十餘里兩岸斥鹵皆成沃土工始於嘉慶

十二年七月次年三月工竣後起南又建浹水塘橋采訪冊

義成碑 三都小浹江之右道光九年里人胡鈞樂涵建

長十餘丈爲洞十五規模宏敞碑上兩石柱刻傍蚌畧以

奠基風波永息定蛟關而劃界涇渭攸分二十字采訪冊

縣令郭清章石刻示 創業固難守成不易蓄淡禦鹹

專資是碑河漲速開河平速閉潮汛將交及早防禦

開片時貽害鄉里早晚禾登略可少憩六柱值年輪流

迴視啟閉因時務保水利督夫做工勿任偷體水漏卽

填大患不至利己利人各無 廢事如有故違肅法懲治

樂涵記略 吾鄉內河外江上接鄞之東錢湖水之爲

利遠矣自明嘉靖間建碑於東岡山麓東岡之下潮汐

往來斥鹵鮮可播種然瀕江習於刮土煎鹽配課人不

獲利於農而猶獲利於竈也迨後竈灘漸廢而竈農俱

病嘉慶甲戌歲旱歉收乙亥春飢荒喧擾遍於村墟余
偕胡君竹安設局捐餉有進而謂者曰君等亦知恤荒
之不如興利乎前八年既移東岡而建燕山碑矣今移
燕山而更建一碑兩岸廢灘盡變良田水利既溥吾境
可無荒歲爰勉副眾議偕耆老等分呈縣場合勘詳定
此因時起事之義也碑之北岸山下勢特起其脈自西
南逶迤而東至此則逆轉西顧而止有控扼之勝其麓
石根深藏低窪傍麓浚掘石關橫亘約十餘丈可豎碑
石二上有六碑洞十三與東岡埒處上河水道遼宣
洩不迅則鄰國為壑故用楮架石於東畔添設二洞蓋
是碑建而東岡燕山藉以蓄洩其山止碑止者乃相度
地利之義也碑之收上英丁亥秋合石於戊子夏時植
充旱人情益奮而司其事者丈景造冊催費採買督工
書記正副百有餘人以其事者丈景造冊催費採買督工
中流之柱石料攻錯倍宜堅厚縝密一切砌築堵禦倍
宜寬闊牢固迨工竣敷經費約一萬二千貫而以各村
之瘠薄沿江廢壤新墾者不滿千畝畝出費錢六千其
成熟之田捐費不等而人曾不稍吝惜以底於成己丑
冬月刑牲祀神邑侯戴公詣碑拈香謂竹安與予曰君
等倡率巨工何無一二梗頑驚聞官府而成之願若斯
之和樂而易也利物足以和義賈其然乎特工成距今
已歷一紀斥鹵漸變膏腴屢占有年而豐盈之象未見

於鄉里于甚病之然而商賈之獲利也驟農之獲利也漸孔子釋无妄初曰不耕獲未富也不遠求富富乃積久漸至以義創之以利成之而義成之利可收之千百世而無窮子於舊約議輸管磬壩所望同志諸君咸以義訓勉後來庶幾永沾厚利吾鄉豐樂之境端於是磬卜之記成郵寄竹安當以予言爲不謬者爰書而鐫諸石

案東岡磬崇四都燕山義成二磬崇三都三磬蟬聯而下由東岡而燕山由燕山而義成至義成則河流入海矣東岡居崇邱上游燕山去東岡數里而義成爲之殿先東岡者所以清水利之眉目且不欲以尾閭之義成反居東岡之上也

張師浦磬

四都

嘉靖志

靈巖鄉

鎮海縣志

卷八

水利

三

金公塘

二都自畢家硯起厯石方硯入鳳洋至五龍溪

止

乾隆嘉靖間邑令金九成增葺故名

陳志

胡塘

二都

王公塘

二都上達縣城下過穿山郭衢

信國公塘

二都

案嘉靖志作莘公塘

石高塘

二都長三里塘中突起內有活石

案嘉靖志作石家塘

新鎮潮塘

二都新槎浦硯下雍正十三年里人願廣揚

築

以上乾隆志

永豐塘

二都

宋訪冊

王公堰 一都界在嚴泰間舊係土築康熙乙酉里人林孟卜于旌等改爲石堰雍正十二年于旌等又行修葺乾隆志

絞車堰 一都餘瀾橋北今改爲橋乾隆志

槎浦堰 二都嘉靖志

護塘堰 二都又曰大礮堰東畔舊係土塘一條內蓄山泉外捍海浪緣無壩堰舟楫出入每從塘頂拖拔不時崩漏爲田廬憂雍正十三年于旌等改爲石塘復於塘東盡處新建石堰一座學訓洪熙揆督工內外相護通鄉賴之乾隆志

長山礮 二都嘉靖壬戌知縣何愈重修嘉靖志

范欽記 吾浙東濱漲海鉤連列郡形勢奔會是惟甯
波為雄居常握中制勝旁列諸邑羅若弈棋而扼要在
定海其所領七鄉負海挹江江以南靈巖泰邱二鄉實
當水衝土故沉瀉占田可十數萬畝氓庶錯處力作資
贍舊設海隄四十餘里名曰貝家磯日通山與外捍內
大磯日小磯日楊家磯日貝家磯日通山與外捍內
緒因時宜洩昔人之謨逃矣迨後歲月滋長海水吞
臨邱四覬蕩然一壑即有高阜斥鹵浸淫年比不登民
乃轉徙廬舍蕭條數以困告所司率視尋常莫之省憂
蓋數十載於茲矣歲癸丑宋侯繼祖將蒞事會內轉不
果至壬戌春害乃更劇廣有何侯愈至詢民之瘼修行
郊野首路江南達於二鄉喟然歎曰民勸若斯極乎爰
召父老慰勞數四親問厥由眾咸謂款侯曰是誠在我
卽案故蹟覈占戶立期會良田出資驗丁發繇於是伐
石輸工採檣斂芻庀工集夫而尤身先巡督首營諸塘
徐及五堰上廣下銳開闢翼如塹之脩脩就之隆隆橫
列周布如環如拱壁於秋九月迨十一月工竣猶慮淹
圯遴士民勤愿者為長專備修葺司啟閉無敢玩逸已
又大浚鄉中諸水股引達渠淤土溉田益用肥饒歲
乃大獲畝率二鍾室家胥喜流民來歸頌聲徹於四境
定父老於是圖勒功德宣示人人乃與士大夫俞君世
中輩質言於余虞周之事可觀矣漢築宣房至顏竹璉

石從官負薪意甚劬苦說者又徵文刺譏後世緣以爲戒余未嘗不歎治水之難然責在守令上下數千年間如河渠書所稱載秦昭史起召信臣諸人又何其烈烈今觀何侯之撰宜其慕義感德延諸無窮其辭曰大海縣曠駛波橫流懷山與陵靡辨九州騰茲定土會稽東瞰禹功攸奠鬱爲名山則壤成賦中邦是侔施及俊彥勸我明風山樹防引蓄爲利糾紛世遠迹湮矇也孰昨於上乃積乃倉頡頊公劉惟茲庶民風夜歌謳乃積乃倉頡頊公劉惟茲庶民風夜歌謳爰勒穹碑百世不採倚嗟後人庶幾作求

硯眼五洞今名大硯額設硯夫二名

國朝康熙十年知縣王元士重修四十四年郡守盧承恩邑令戴銘邑丞楊吉祥遴里人林孟卜千旌爲長修大硯并畢家烏金二硯守令承皆身勤董視鄉民感之建三公生祠於塘頭菴後諸硯復壞雍正十二年邑令陳秉鈞丞

楊國幹遴千旌夏禪等協犇厯三載功始成

乾隆志

青嶼浦硯

二都

嘉靖志

今改爲橋

采訪冊

石湫硯

二都

嘉靖志

額設硯夫一名

乾隆志

今改爲橋

采訪冊

石方硯

二都正德十五年知縣鄭餘慶因鄉人賀琦言

硯廢六十餘年田盡瀆瀉遂加修築履塗蕩之壅漲者數

千畝盡成菑畚民賴其利

嘉靖志

舊制三洞今塞二河名曰

新洞

乾隆志

舊名蘆山硯

采訪冊

金川硯

二都

乾隆志

烏金硯

二都

嘉靖志

額設硯夫一名

乾隆志

石梁上有靈巖

鎖鑰四字

采訪冊

妙林硯

二都在孔墅嶺下

畢家碑 二都

槎浦碑 二都以上乾隆志

永豐碑 二都卽西碑在金公塘外界槎浦舊團內新墾

灘蕩約四千二百餘畝乾隆志 乾隆四十一年里人賀士敕

李蒼衡顧朝陽等捐資建陳志

新槎浦碑 二都乾隆志

徐家浦碑 二都乾隆志 今改爲橋宋訪冊

算山浦碑 二都乾隆志

永鎮碑 二都在大漁臺東清涼山嘴雍正十四年里人

顧廣揚建乾隆志

南永鎮碑 二都顧廣揚建乾隆志 卽白雲碑今圯宋訪冊

一眼硯

二都今改爲保安橋

宋訪冊

泰邱鄉

世忠塘

一都計長三千六百丈

嘉靖志

子丈塘

二都自長山硯起至陳華浦止長四十餘里嘉

靖壬戌邑令何愈新築鄞人萬欽爲之記載長山硯下

嘉靖

志

萬慰問令黎民表加築歲久多圯

國朝康熙七年有慈民周君美僑居塘下擊柝遍勸鄉人

出力修築又具酒食以勞無田而助工者兩月工既竣建

關聖祠於塘左招僧居住歲司修塘事捐己田三十畝贖

其費里民間於縣獎之辭不受塘內田一萬三千有奇

王令

志

光緒五年重修關聖祠今改爲焦福菴

宋訪冊

大沙塘 二都

永安塘 二都咸豐八年定民劉錦鉢築采訪冊

奉陞塘 二都嘉慶元年里人陳邦治李德剛築

永興塘 二都嘉慶元年里人李立燧築

沙塘 二都

東塘 二都嘉慶七年里人王志遠築

天打塘 二都里人王士剛築

永安塘 二都里人王貽士等築以上采訪冊

三山塘 三都長一百五十丈高二丈闊三丈嘉靖志

風打塘 三都邑人沃類建嘉靖志前此柴橋鎮爲蘆江所

隔行者從洞橋南至小山下復北過陳勝橋紆迴三四里

許到鎮類因橫江作塘四百丈行者便之江頗闊當微風鼓浪水勢衝激其塘風水相蕩作聲因名

王令志棄

案塘在秦海交界處

永豐塘

四都林大山東

餘慶塘

四都永豐塘外

風水塘

四都長二十四丈闊二丈光緒二年里人張懷

謙捐資建

以上朱訪冊

泰博堰

二都

嘉靖志

卽石堰與上泥堰俱爲巖鄉障水要

地舊制硤不堅固屢被崩陷康熙十年令王元士親董改築石堰闊八丈長一十五丈泥堰闊八丈長一十二丈鄉民德之名石堰曰王公上堰泥堰曰王公下堰樹碑以紀

其事乾隆志

碑辭 衡嶽鍾靈篤生我公山斗文章當世儒宗來守
茲土政教克崇百廢肇舉百度攸同撫我子遺盡瘁乃
躬巖鄉高峙全資溝洫墾陷水流田皆隨裂興築二堰
障茲水澤再濬東渠三碶疏洩崇卑均利屢豐不輟伊
誰之賜式頌侯德

地球堰 一都卽泥堰嘉靖志 旁有石欄采訪冊

案在二都三都間

樂家堰 二都闊十丈采訪冊

楊木堰 三都嘉靖志 今改爲橋采訪冊

大堰 三都

吳源湫堰 三都

冷水堰 三都

胡家堰 三都

大澤堰 三都

洪橋堰 三都

石曹堰 三都

石蓮灣堰 一都以上嘉靖志

貝家硯 一都嘉靖志 額設硯夫一名乾隆志 光緒五年里人

陳璞 采善陳嘉棟等捐資重修采訪冊

楊家硯 一都嘉靖志 額設硯夫一名乾隆志

蕩子硯 一都

外鼠硯 一都

裏鼠硯 一都以上嘉靖志

小山硯 一都

嘉靖志

額設硯夫一名石灰畧溪水入念條

橋河從烟墩山東出此硯支家畧溪水落上春橋河從烟

墩山西出此硯

乾隆志

太慶硯 一都

嘉靖志

太和硯 一都卽東硯在小山硯下千丈塘外界朱塘團

內新墾灘蕩約五千二百餘畝硯南城灣畧溪水流至洞

橋三派一入貝家硯一入楊家硯一入小山硯三水分流

而復匯於一合支家畧石灰畧盤畧之水而並出此硯以

入海 與上永豐硯爲東西二硯因金公千丈塘外漲沙

可墾雍正年場司耿昭需詳准民竈分墾公捐築硯并東

自林大山西自算山一帶挑築土塘均於乾隆十一年告

鎮海縣志

卷八

力禾

四二

成因不敷宣洩又議添築備硤各五洞民力不繼未能並舉且土塘亦卑隘尙宜加築高廣修成備硤庶足垂利久

遠

乾隆志

老硤

一都

陳志彙

今改爲橋

宋訪冊

東硤

一都

西硤

一都

永安硤

二都

額設硤夫一名贍田八畝

青龍硤

二都

額設硤夫一名

以上采訪冊

通山硤

三都

嘉靖志

泥堰湫硤

歲久湮塞今改爲塘但洪畧等六七十裡水

道專賴穿山硤與此硤以蓄洩應仍舊制

乾隆志

小堰碑

三都額設硯夫一名

乾隆志

傅家碑

三都

嘉靖志

額設硯夫一名

乾隆志

今改爲橋

采訪冊

錢豐湫碑

三都

西浦碑

四都

東浦碑

四都

許家碑

四都

木碑

四都

朱家碑

四都

廣脩碑

四都

以上嘉靖志

雙礁碑

四都乾隆元年建新墾灘蕩數千畝俱從此入

海

永鎮碑 四都

大山碑 四都在林大山之西麓

鎮東碑 四都在雙礁碑之東外通秧于浦橫崎江

太平碑 四都在雙礁碑之西外通丁家浦金塘江

棺山碑 四都在棺山之北外通丁家浦金塘江

蚌蛄碑 在蚌蛄山之北外通秧于浦橫崎江以上采訪冊

海晏鄉

天生塘 一都在海口東南獨峙山西南亭山塘連屬故

名乾隆志

倪家塘 一都長十丈闊二丈二尺乾隆志

穿山塘 二都長六十丈闊二丈嘉靖志塘外有四巉五灣

左迴右抱狀如壺瓶近海潮泛漲船隻通行巉灣已潰其

一非及時填築必致相連亦唇亡齒寒之患也

乾隆嘉慶志

四年里人葉文泗捐資重修

采訪冊

霽衢海塘

三都成化十二年巡海副使楊瑄築

海塘嘉通志

靖時副使譚綸增修五十丈

雍正府志

千畝塘

三都在碑塔畧嘉慶間里人徐殿英築

留耕塘

三都

復成塘

三都咸豐十一年里人虞堯階戴紹唐築

沙裏塘

三都

阜成塘

三都

小青島塘

三都嘉慶間里人徐殿英築

以上采訪冊

清水堰

一都嘉靖志

穿山老堰

二都采訪冊

新堰

二都與老堰俱曹衛邦等重修采訪冊

龍爪堰

三都嘉靖志

夏林硯

二都嘉靖志額設硯夫一名乾隆志

明慧寺硯

二都嘉靖志

小蘆浦硯

二都嘉靖志又名小堰硯康熙七年里紳吳江

偉捐百餘金重建

乾隆志

沈家硯

二都乾隆志

穿山老硯

二都三洞闊四丈七尺額設硯夫三名乾隆志

案舊志入鎮六畝誤

穿山捍碑 二都在老碑之左闊七丈八尺潦則洩之使

大水易於出旱則捍之使鹹潮不得入乾隆三十一年里

人劉懷瑣懷瑛建

宋訪冊

寶聖莊碑 三都

童家碑 三都

五臺寺莊碑

三都

以上嘉靖志

白楓碑

三都額設碑夫一名

乾隆志

道光間改爲楓林碑

里人金百鑑樂穎巨改建

宋訪冊

王家碑

三都額設碑夫一名

和尚碑

三都天章寺僧造故名

康頭碑

三都額設碑夫三名舊名王家塘碑康熙年改

今名以上乾隆志

夏畧硯

三都

嘉靖志

青龍硯

三都

留耕硯

三都

木杓硯

三都

五眼硯

三都

進義硯

三都

三眼硯

三都

朱家畧硯

三都

馬婆硯

三都

鐘家灣硯

三都

以上采訪冊

鎮隅

小蘆江塘 六畝長二百六十丈康熙五十年慧寂寺僧行修捐二百餘金躬督修築地方賴之

小斗門塘 七畝右倚鳳山左倚旗鼓山內約高低田百餘畝

大斗門塘 七畝右倚旂山左倚下灣山郭衢城北門外凡小塗畧總臺山王家坑黃泥墳諸路溪水俱山東門外出大斗門內約高低田千餘畝

臺灣塘 七畝內約高低田百餘畝

盛畧塘 七畝內約高低田數百畝

大小畧塘 七畝內約高低田數百畝

大塗洋塘 七畝左倚鳳山右倚塘頭山左有東山臺右

有箸雷臺前有觀山臺中建廟曰福民以上乾隆志

新塘 七畝宋訪冊

山安塘 七畝嘉慶二十年里人戴廷選等建宋訪冊

梅山塘 七畝道光九年里人虞孝盈築宋訪冊

穿山碑寶慶志縣東南海晏鄉一百里慶厯年間荆國王

公宰鄞縣時繫山爲之寶慶志築隄捍浦爲河於隄西石巖

鑿三竅爲硤闊三丈六尺高三丈因名嘉靖志鎮隅六畝額

設硤夫二名民立荆公祠於硤左歲祀之今圯乾隆志

純畧硤 七畝近岷峙山又名岷峙硤額設硤夫一名

小壘硤 七畝額設硤夫一名

七塗碑 七畝通大浦今中一帶皆漲為田惟近福民廟

十數丈近碑百餘丈尚為浦額設碑夫一名以上乾隆志

白楓碑間 七畝東北傍斗山左倚和尚碑乾隆志道光間

里人金百鎰樂穎巨移至張埠山頭改名楓成碑采訪冊

老碑 七畝在盛舉

新碑 七畝在盛舉

外碑 七畝在盛舉以上采訪冊

補遺

南堰 西管鄉三都

縣令于萬川示南堰係慈鎮上下河分界每逢淫雨恆遭潰決莊保固便將堰旁田土掘填加兼之無人多方淘掘引魚入田取便易捕久之田成坑阱堰亦不固致上河之水漏洩堪虞今莊遷鋪契買堰旁田兩則

計二畝西分入厘助作南堰公田取生息以爲脩堰費
爾等居民當思該處南堰關合鄉水利堰旁田土不得
任意淘掘以致誤事

東碑 泰邱鄉一都

新碑 泰邱鄉一都
以上采訪冊